



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 888. Usque Ad Annum 1000

**Fleury, Claude**

**August. Vind. [u.a.], 1761**

**VD18 90117921**

§. 35. Fulconis obitus. Herveus Archiepiscopus Remensis.

---

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

Sæculum IX.

A. C. 900.

§. XXXV.

Fulconis obitus. Herveus Archiepiscopus Remensis.

*Flod. 14. c. 10* In Francia Fulco Archiepiscopus Remensis odium Balduini Comitis Flandriæ subierat. Nam, cum hic Princeps Attrebatum in sua potestate haberet, etiam invaserat Abbatiam S. Vedasti, quam Carolus Rex ab eo læsæ fidei reo ablatam Archiepiscopo contulerat. At cum Fulco magis exoptaret sibi habere Abbatiam S. Medardi, qua alius quidam Comes, cui nomen Altmarus, potiebatur, eam permutata Abbatia S. Vedasti obtinuit, postquam civitatem Attrebatensem obsidione ad deditionem compulsam Balduino Comiti eripuisset. Ille ingentem iram conceperat, atque, ut fieri amat, proceribus Domini sui affectus amplectentibus, Vasalli acceptam injuriam ulcisci constituunt. Ergo publice simulant, cupere se cum Præsule in gratiam redire, cumque quadam die ejusdem paucis comitantibus ad Regem euntis iter explorassent, incautum circumstant in via, duce quodam Vinemaro. Primo tamen colloquio de pace inter eum & Balduinum concilianda verba fecerunt; mox autem nihil hostile suspicantem hastis vulnerant, dejiciunt, & perimunt. Amicorum promptissimi super morien-

morientis corpus sternuntur, reliqui ad Sæculum IX.  
 Palatium Episcopale decurrunt attoniti, A. C. 900.  
 triste fatum nunciantes. Advolant ad  
 vindictam familiares arreptis armis, sed  
 latronibus dilapsis & delitescantibus in-  
 ter magnos ejulatus receptum Episcopi  
 corpus Remos reportant. Ubi honore  
 competente terræ mandatum.

Hunc exitum sortitus est Fulco Ar-  
 chiepiscopus decima septima Junii anno  
 nongentesimo, postquam Ecclesiæ Re-  
 mensi annis septendecim tribus mensi-  
 bus & diebus decem, quod in ejus Epi-  
 taphio legimus, præfuisse. Bona tem-  
 poralia Ecclesiæ suæ Regum aliorumque  
 virorum munificentia adjutus plurimum  
 auxit, muros Remensis civitatis & non  
 nullas Arces, quas inter numerantur Au-  
 montium & Epernacum, collapsas re-  
 stauravit, S. Remigii corpus ex Monaste-  
 rio Orbacensi Remos revexit, permul-  
 tis Presbyteris monachisque a Norman-  
 nis grassantibus in fugam actis asylum  
 præbuit. Eos ut filios suscipiebat, quo  
 affectu etiam profecutus est Monachos  
 S. Dionysii in Francia, cum ejusdem San-  
 cti corpus & complures alias Reliquias  
 afferrent. Duas Scholas Remenses pæ-  
 ne destructas alteram pro Canonicis, al-  
 teram pro Presbyteris ruralibus separa-  
 vit, duobus Magistris celeberrimis Re-  
 migio Monacho S. Germani Antiffiodo-  
 rensis,

c. 8.

c. 9.

Sæculum IX. dorenfis, & Hucbaldo Monacho S. Aman-  
 A.C. 900. di advocatis.

Ipse quoque Archiepiscopus cum junioribus Clericis scientiis operam dare non respuebat.

Cum Sedes Remensis non plus octodecim diebus vacasset, sexta Julii anno nongentesimo Archiepiscopus ordinatus est Heriveus, ex Regia evocatus & parentibus nobilibus ortus, sicut ejus Antecessor, sed juvenis. Ejus Ordinationi interfuere Witon vel Guido Archiepiscopus Rotomagensis, Ricultus Episcopus Sueffionensis, Hetilo Noviodunensis, Dodilo Cameracensis, Herinandus Teruanensis, Ogerius Ambianensis, Honoratus Bellovacensis, Mancion Catalaunensis, Rudolphus Laudunensis, Otrifridus Silvanectensis, & Angelramus Meldensis. Eadem die duodecim his Præsulibus præsentibus in Ecclesia S. Mariæ Remis lecta est Excommunicatio contra Fulconis Archiepiscopi interfectores. Tres autem nominantur Wine-  
 marus, Everardus & Rotfredus, Bald-  
 uini Comitum homines. † Tum fœdi facinoris conscii universim declarantur a sinu S. Ecclesiæ segregati, ac perpetuæ maledictionis anathemate condemnati. Adduntur etiam maledicta quæ in S. Scriptura continentur. Nullus Christianus eis *Ave* dicat, nullus Presbyter ipsis præ-  
 sen-

tom. 9. Conc.  
 p. 481.

† Vasalli

sentibus Missam celebret, nullus, si ægro-  
tent, confessionem eorum recipiat, nul-  
lus Sacrosanctam Communionem eis,  
nisi resipuerint, etiam in fine vitæ dare  
præsumat, nullus defunctorum corpora  
sepeliat. His dictis Episcopi lucernas,  
quas manibus tenebant, projectas extin-  
xerunt. Estque istud primum mihi oc-  
currens exemplum excommunicationis,  
quam hujusmodi adjuncta comitantur.

## §. XXXVI.

*Ovetum Metropolis.*

In Hispania Christianis imperabat Al-  
phonso III. jam toto triginta octo an-  
norum spatio, cum parenti sui Ordogno  
anno octingentesimo sexagesimo secun-  
do successisset. Is, civitate Ovetensi  
arte militari munita, ex aliis urbibus Re-  
liquias illuc transferri jussit, ut incurren-  
tibus Normannis extra periculum essent.  
Id enim indicabat erecta crux aurea mi-  
ræ magnitudinis, cujus inscriptio annum  
Regni sui decimum septimum, & æram  
916. nempe annum Jesu Christi octin-  
gentesimum septuagesimum octavum re-  
ferebat. Ecclesiam ab Alphonso Casto  
Compostellæ super corpus S. Jacobi æ-  
dificatam demolitus est, quod parva ni-  
mis & vulgaris ipsi videretur, aliamque  
ex magnis lapidibus, marmoreis colu-  
mnis suffultam, extruxit, atque vasis  
pretio-

Sæculum IX.  
A. C. 900.

*Sup. Lib.*  
*LVIII. §. 46*

*Sampir.*  
*Astur. p. 56.*

*Ambros.*  
*Mor. lib.*  
*XV. c. 9.*